

新刻羣音類選

新刻羣音類選清腔卷四

虎林 胡氏 文會堂 校

商調

二郎神一套

閨怨

才郎去綠髻姮娥懶去梳世上相思偏害我分明是  
打破鶯儔燕侶鸞雛滾滾波濤渾斷藍橋路這姻緣  
將人間阻添淒楚怕的是孤枕無眠漏滴銅壺集賢  
賓臨行記得元宵十五燈兒下再三囑付他約到楊  
柳含金二月初到如今捱過清明夏又過枉痴心終  
朝卜課被傷人勸我道且自開懷不須眉鎖黃鶯兒

題起便心孤想他們不是薄倖徒他將牡丹移過奴  
把薔薇補莫非他弃奴莫非他有小蘇莫非他枕邊  
別戀多嬌婦事糺糊因何日久書信半行無香柳娘  
我是深閨少年是深閨少年出門不慣未曾舉步心  
先戰過花邊柳邊過花邊柳邊月影透虛簾雕梁獨  
栖燕這風流在眼前這風流在眼前蘭房洞天那人  
羞見黃鶯兒雙燕入簾櫳見他們愁倍濃幾番血泪  
如泉湧秋波漲紅春山減容慙慙鬼病看看重恨無  
窮鶯余久冷何日裡再相逢香柳娘想多才未眠想  
多才未眠孤燈為伴陽臺路杳何辭遠過山前水前

山前水前明月樹頭懸金鳥翅展轉這風流  
前這風流在眼前蘭房洞天那人羞見琥珀貓兒  
將衫袖輕把泪珠扶忽聽得窓外將奴小字呼不由  
人身子不麻蘇天付好一似病得仙丹早逢甘露尾  
聲相逢慢把衷腸訴舊恨新愁說不盡苦准備着捲  
地風雲一海波

二郎神一套

秋季間情

高東嘉

人別後正七夕穿針在畫樓暮雨過紗窓涼意透斜  
陽影裡一簇寒蟬衰柳水綠蘋香人自愁况輕拆鸞  
交鳳友合得成就真個勝似腰纏跨鶴揚州前腔風

流恩情怎比、墻花路柳、記待月西廂、和伊携素手。  
柰話別匆匆、雨散雲收、一種相思、分做兩處愁。雁來  
時、音書未有。（合前）集賢賓、西風桂子香韻幽、柰虛度  
中秋、明月無情、穿戶牖、聽寒蛩聲滿床頭、空房自守、  
暗數盡、難樓更漏。（合）如病酒、這滋味、那人知否。（前腔）  
功名未遂、姻緣未偶、共簇一個眉頭、惱亂春心、卒未  
休、怕朱顏去也難留、明珠暗投、不如意、十常八九。（合）  
前、黃鶯兒、霜降水痕收、見池塘、已暮秋、滿城風雨、還  
重九、白衣送酒、烏紗戀頭、思憶那人、應比黃花瘦。（合）  
怕登樓、雲山滿目、遮不得許多愁。  
惟酒可忘憂

柔愁腸不殢酒幾番血泪拋紅豆相思怎休  
受先天知道和天瘦合前琥珀猫兒綠荷蕭索無計  
蓋眠鷗淺碧粼粼露遠洲羈人無力冷颼颼合添愁  
悄一似宋玉賦高唐對景傷秋前腔題情紅葉偏向  
御溝流詩句上分明尋配偶此情還記我心頭合前  
尾聲一年好景還依舊正橘綠橙黃時候強把金尊  
開懷斷送秋

二郎神一套 有懷

楊升菴

春到後正三五銀蟾影乍圓深院裡誰家吹玉管紫  
姑香火聽一叢士女聲喧欲擲金錢暗卜歡爭奈婦

期難算合遠如天，眞個是斷腸千里風烟。前腔嬋娟  
從別後，萍流蓬轉，多病多愁，相思衣帶緩。記名園花  
底笑，挽鞦韆，回首雲程隔萬山。燕來時，黃昏庭院。合  
前集賢賓東風芳草競芊綿，何處是王孫故園？夢斷  
魂勞人又遠，對花枝空憶當年。愁眉不展，望斷青樓  
紅苑。合離恨滿，這情踪怎生消遣。前腔海棠經雨梨  
花禁烟，買春愁滿地榆錢。雪絮成團，簾不捲，日長時  
楊柳三眠。樓高望遠，空目斷平蕪如翦。合前黃鶯兒  
晴日破朝寒，看春光到牡丹。閒將往事尋思遍，玉砌  
雕闌，翠袖花鈿，一場春夢從頭換。合惡姻緣雲收雨

不見錦書傳。前腔鶯語巧如絃。趁和風度曉。似把人愁喚。哀腸幾般。夢魂那邊。一恁憔悴誰相伴。合前琥珀貓兒紅。稀綠暗。最是惱人天。一片春心。怯杜鵑。又那堪。千重別恨。懶調絃。合前。潸然對天涯萬里。落日山川。前腔水流花謝。春事竟茫然。都只因春帶愁來。到客邊。怎奈春歸。愁不與同還。合前。尾聲。九十春光。虛過眼。人憔悴。慵將鏡看。且倒金尊花前學少年。

二郎神一套

征怨

金白喫

新睡起。厭輕暖。輕寒減。玉肌慙。指裡匆匆春又去。款



聲聲杜宇，知何處，望斷玉勒彫鞍。古道長堤，前腔當時花前共你，新婚燕爾。憶鸞鳳，嗚嗚飛綠綺，誰料名利驅人，鳳別鸞離。連理春風，番做牆外枝，冷重門笙歌院宇。知何處，望斷芳草垂楊，綉陌香堤。集賢賓蕭關欲待尋君去，綉鞋怎解驅馳。好似遊絲，縈蝶翅，飛不過層樓十二。一江綠水，難抵我一春紅泪。人萬里，嘆錦字啼痕空寄。前腔金鈎綉簾剛半起，倚闌凝望天涯。羞見春雲催暮雨，飛過了巫山十二。一庭舞絮，都是一腔愁緒。人萬里，嘆尺素音沉無寄。黃鸝兒香

篋斂紅絲拂花箋製小詞筆尖兒寫倒鴛鴦字心  
頓灰泪兒亂垂條眉兩葉愁封翠綉羅幃悠悠春  
飛過大江西前腔朝露浥羅衣傷荼蘼折小枝香叢  
忽見花同蒂情兒頓迷意兒似痴綉鞋立遍蒼苔翠  
惱鶯啼驚回春夢不得到遼西琥珀猫兒戍樓天外  
黯黯亂雲低腸斷征人畫角吹黃河何日洗兵車傷  
悲怎禁他塵鎖粧臺月滿空閨前腔龍沙漠漠斷磧  
雨霏霏朔氣遙憐冷鐵衣黑山何日捲征旗傷悲怎  
禁他香燼金爐燈暗深閨尾聲腰肢瘦束金蟬細樂  
遊原上草萋萋只恐歸時過綠時

二郎神一套 惜別

張叔元

才聚首。又信宿分飛。不暫留。正孤館斜陽添線。候壁  
車目斷。喜慰我徬徨良友。把酒層軒。冥靄收看寒月  
亭亭光溜。合腸迴九渾似膏火流波。一樣悠悠。前腔  
簾鉤真珠控處。堪傾百斗。怕玉山潦倒。無紅袖。拚個  
斷送黃昏。戍鼓譙樓。咲殺君行。道我沒來由。倘君知  
還加倜傥。合前集賢賓。論心展轉難斷頭。更攜手遊  
遊。早是閑街人靜後。送河梁重引離憂。天邊窸窣。時  
伴我歸途迤迤。合門掩扣縹緲的餘香輕透。前腔偏  
栖不穩孤衾。怎就况對黯慘燈篝。漸瀝悲風。激寒休。

殘木葉颼颼寒侵敝裘想凜冽霜生鴛鴦  
黃鸝兒鴻雁共綢繆頃參商兩地秋迢迢永夜難消  
受我思如葦蕩他心比繫舟應悔今宵何事風波驟  
合淚盈眸青衫濕盡長短萬千流前腔吟望竟誰酬  
一聲聲嗟雄雉口兒作念眉兒皺棲禽自啾離人自  
守陽臺路香憐憔悴合前琥珀杯兒銀河咫尺那是  
阻牽牛莫認恩情逐水浮銷魂此際苦追求合含愁  
甚日得誇鳳乘鸞雨帶雲尤前腔幾回暗省萱草可  
忘憂欲折披衣搜苑囿已看萋萋落不禁秋合前尾聲  
鳴鷄殘漏卿知否忍下得憐新棄舊忽聽窗外雙呼

羣芳譜  
卷之四  
六  
羨黃鵠

二郎神一套

宮怨

梁伯龍

銅壺轉奉箕箒又平明金殿記少小披香曾侍宴鸞  
輿別後椒房寂寞多年只聽風送西宮歌吹遠嘆命  
薄承恩何淺恨無緣總黃金求賦文章更有誰憐前  
腔花磚飛英亂墜湘簾高捲柰春鎖重重深小院怕  
鞋侵荒蘚瑤階欲下還旋何日得碾破蒼苔留玉輦  
媿隨例雖朝空見恨無緣總黃金求盡丹青竟有誰  
憐轉林鶯思家何處魂夢懸淹淹弱息難延九十日  
春光愁過半病膏肓旦夕牽纏腰肢瘦軟宮醫有倩

誰呼喚淚綿綿書封戰襖投向阿誰邊前腔閒宵欲  
賦紈扇篇柰秋風篋笥空捐月過房攏刺綉倦這深  
宮夜午誰誼怪金鈴小犬吠花影隔簾空轉淚綿綿  
詩題紅葉流向阿誰邊黃鶯兒錦瑟倦調絃對春風  
哭杜鵑開簾羞覩雙雙燕他那裡歌臺夜喧我這裡  
舞袖畫眠緣何一宮之內溫涼變會何年鼎湖龍去  
除是共登仙前腔粉黛浪三千念當初寵最先為甚  
十年不識君王面非君故偏似妾故專而今懊悔却  
又難重見會何年翠華雲暗除是共陵園琥珀猫兒  
烟橫關道日落斷傳宣銀鑰隨收金鎖穿花房夜揭

守宮鮮。天天又早。是門掩黃昏。銀燭空燃。前腔君恩  
浩蕩。不是誤嬋娟。自恨孤身多命蹇。今生已矣。還結  
後生緣。天天又早。是月落烏啼。銀漏空傳。尾聲傷心  
過處。還消遣。自甘受一生微賤。聖主從教憶萬年。

二郎神一套 題情

唐荆川

寄來書。千言萬語。都道我情未堅。一水如同隔楚天。  
想昔日枕畔盟言。也曾許種玉藍田。到如今被滾滾  
風波。却把藍橋湮。那浪蝶把名花污染。我也無緣再  
圓。情默默空自對鏡臨淵。集賢賓從來好事皆在天。  
誰知兩下無緣。我比宋玉憂愁增萬千。向書齋度日。

如年你娘見偏聽讒言將人逐起難相見對孤燈獨  
懷泪漣（啄木兒）休埋怨莫嘆嗟只為蠅頭利却將恩  
愛撇冷落了軟玉溫香害得人腰肢瘦怯我為你被  
賓朋們笑道是忘家業你為我被多人見怪成磨折  
只為一曲陽春番成兩怨嗟（三段子）你自說端花可  
折我將你做姮娥在月你的病容瘦怯我兩眉峰攢  
成萬結並肩齊拜瑤臺月山盟設盡言猶熱忍下得  
辜恩成永訣（前腔）當初乍別翦青絲將紅羅帕結陽  
關唱徹酒入愁腸化成泪血道此行休惹閑風月逢  
花莫托奴拋撇此語記心頭教我待撇怎撇（關雙雞）



歸來後歸來後蘆花明月青樓靜青樓靜綉簾半揭  
這離恨又從頭打疊相思病已成懨懨瘦怯雖向黃  
泉這一靈兒等伊相見方成灰滅尾聲風流惹下風  
流孽笋在包時難見節直待相逢和他慢慢說

二郎神秋懷

梁伯龍

相逢又笑春來尚分飛依舊記軟弱身兒年紀幼重  
簾不捲蕭條獨坐危樓為甚麼懨懨如病酒空思愛  
未曾消受莫淹留更不念匆匆歲月如流鶯啼序錦  
堂風月今秋又參辰還自昴酉定非關途路悠悠不  
干魚雁差謬柰花營唇鎗戰爭更錦陣心兵輻輳無

共有只落得浪傳人口、簇林鶯空挑閨難斷頭、為高  
唐雲未收、朝朝暮暮在陽臺、右情深怎休、恩深怎丟、  
因此上明知未偶、還迤逗、夢悠悠、三星天外空戴月  
如鉤、啄木兒曾畱戀幾浪游、秋水春山常聚首、記花  
陰清晝、攜琴想燈前午夜藏闥、更憶他修書漫捲羅  
衫袖、高歌半解香喉扣、訂約偷回扇底眸、闌雙雞天  
台渡、天台渡、桃花水流章臺路、章臺路、柳條報秋誰  
道、落人機、穀崑崙是何處、奴施巧手、把往日恩情一  
旦盡勾、永紅花犯正值陽回九九、被何人苦逗、邇柰  
阻隔去無由、冷颼颼卿卿知否、多應獨倚小窗幽、果

難投重門誰叩，四五年光陰度，三兩行淚空流。淒淒切切，帶人愁也。羅尾聲景淒涼，人倂憊，相思業債幾時休。直待要海燥江枯，方罷鉤。

鶯啼序一套

閨怨

陳仲完

冤家你好虧心，頓忘了誓盟。遇花朝月夕，良辰好教我虛度青春。悶恹恹把闌干凭倚，凝望他全無音信。幾回自忖，多應是我命薄緣輕。黃鶯兒誰想這一程減香肌，憔悴損，鏡鸞塵鎖無心整。脂粉懶勻，花枝懶簪，空教我黛眉蹙破春山恨。最難禁，誰樓上畫角，吹徹斷腸聲。集賢賓幽窓靜，悄月又明，柰獨倚圍屏。鶯

聽孤鴻樓外鳴把離愁又還提醒更長漏永早不覺  
燈昏香燼眠未成他那裡睡得安穩聞雙雞思量起  
思量起怎不上心無人處無人處泪珠暗傾我怨他  
說他不盡誰想道這裡先走滾自恨我當初不合認  
真簇林鶯人都道他志誠却元來厮調引眼睜睜心  
口不相應山誓海盟說假道真險些兒為他錯害了  
相思病負心人看伊家做作如何教你有前程琥珀  
貓兒日疎日遠無計再相親枉了痴心寧耐等想巫  
山雲雨夢難成薄情拚却今生和你鳳拆鸞分尚遠  
梁然冤家一去無踪影割捨得將人孤另那日裡恩

情番成做畫餅

鶯啼序一套

閨情

陳秋碧

孤幃一點殘燈見半滅猶明夜迢迢斗帳寒生展轉  
幽夢難成盼雕鞍把歸期細數恨浪跡全無定把  
前勸自省說來的話兒無憑黃鶯兒無語對銀屏正  
蕉樓鼓二更梅花咲殺人孤另疎鐘幾聲殘角數聲  
薄衾單枕愁難聽影伶仃岩岩瘦骨離恨教我怎支  
撐集賢賓柳榆鬼病誰慣經待舉步難行翠竹金釵  
無意整好梳粧一日何曾心懸意耿自古道佳人薄  
命淒涼景捱不到美滿前程聞雙雞芙蓉面芙蓉面

淚痕暗凝楊花性、楊花性別離太輕、自是東君薄情、  
一樹紅芳誰管領、浪蝶狂蜂、休得要鬧爭、簇御林、天  
涯路、長短亭、怨王孫、芳草青、畫長羞把闌干凭、幾遍  
將鱗鴻倩、訴衷情、千言萬語、猶恐欠叮嚀、琥珀猫兒  
野花村酒、他終日醉還醒、冷落誰憐、冬暮景、奴耽寂  
寞你飄零、難憑頓忘了、神前海誓山盟、尾聲、風流惹  
下相思症、只索把多情痴等、他没真心、我拚箇志誠

鶯啼序一套

閨情

梧桐一葉初凋、看斗轉西杓、夜長更漏迢迢、枉教人  
辜負良宵、透珠簾、金風蕩颺、映綠窓、銀蟾光耀、怎捱

到曉不覺得月上花梢集賢賓朱顏可惜虛度了况  
逢暮景良宵日近天涯雲縹緲空教人共誰歡咲花  
陰月皎對此景越傷懷抱深院悄西風起泪零多少  
黃鶯兒蛩韻絮叨叨聽寒砧入夜高雨摧壞壁苔花  
老助秋聲晚潮戰西風柳條破雲送月朦朧到正無  
聊誰家短笛哀怨度中宵琥珀猫兒鏡鸞羞覩怨語  
臉容消淡淡蛾眉誰畫巧帶圍寬褪小蠻腰寂寥最  
難禁滿天梧葉亂下亭皋尾聲何時得見才郎貌對  
蒼天焚香禱告但願鸞凰一處交

黃鶯兒一套

閨怨

楊德芳

紅閣晚調笙紫雲閒玉漏平轆轤聲斷銀瓶綆知此  
在灞陵知他在茂陵花殘兒不遘風流信自逢春寒  
光減畫鸞鏡半凝塵前腔金鴨夜香沉怯春寒坐到  
明象床約枕花辰冷鵬兒又鳴燕兒又鳴被兒紅疊  
鶯鶯錦自逢春風流減盡瑤瑟半凝塵六么梧桐垂  
楊小亭綠陰濃冰簟涼生卑枝繁葉短巢鶯猛見風  
兒吹絮撲上紅枕屏好夢難成幽夢難成細雨芭蕉  
四五聲前腔潛開玉扇喚紅兒伴出中庭薔薇花刺  
絆羅裙剛把香兒燒罷又早夜已深好夢難成幽夢  
難成風弄湘筠四五聲鴈過燈犯銀河影漏澄澄猛



聽烏鵲夜驚、雙星兒天上佳期近、馬蹄兒何處胡行、  
更長漏永、閃得我新來多病、往事頻思省、愁轉深、慍  
不住衫兒上、重重疊疊、數行泪痕、  
前腔西風幾處寒砧、愁殺邊衣未成、銀燈兒明滅、紗窗靜、團扇兒垂在  
埃塵、瑤階露冷、鞋底兒蒼苔濕盡、往事頻思省、愁轉  
深、羞見那花兒上、嬌嬌滴滴、半鈎月痕、  
琥珀貓兒層樓十二、斜日幾回登、一抹寒山隱隱青、分明似我眉  
黛顰、難禁萬恨、和千悶、煩惱呵、鵲聲兒不准、懊惱呵  
金錢兒無准、  
前腔危闌十二、斜月照閒凭、一樹疎梅  
素影橫、分明似我容、瘦生、因循掩鏡、拋脂粉、煩惱呵

燈花兒沒准懊惱呵夢魂兒無准尾聲憶多  
命金屏敲斷玉釵聲月下花前空待等

黃鶯兒一套

四景閨怨

陳秋碧

彈指怨東君好直恁辜負人曉粧羞對菱花鏡花枝  
懶簪脂粉懶勻暗將心事占天問合冷清清一春過  
了爭得見意中人前腔無語倚閑庭不由人不動情  
花間粉蝶相隨趁鶯啼幾聲鶻啼數聲晚風吹落紅  
成陣合前六么梧桐鴛鴦睡濃菱荷香送薰風懶將  
紈扇掩酥胸試把念兒推起只見花影重好景難逢  
好景難逢又見榴花照眼紅前腔簾垂幾重怎不遮

攔愁入芳容縱有美酒泛金鍾少箇人兒共飲教我  
愁轉濃好景難逢好景難逢又見荷花映水紅雁過  
燈犯秋風早入庭幃又見梧葉乍飛薄情人杳沒音  
書寄泪彈點滴如珠闌干鎮倚捱幾箇黃昏滋味合  
悵望人千里伊怎知又聽得樓頭上嘹嘹唳唳數聲  
雁兒前腔登高負却佳期羞覩黃菊紫萸劣冤家戀  
酒迷花底知他還共別的尋龜買卜他許我綢繆佳  
配合前琥珀猶兒幾回猛醒罰愿和你斷相思不覺  
腰肢減帶圍沉吟半晌心轉痴只落得背地裡長吁  
氣合瘦損呵情人在那裡瘦損呵黃花怎比前時

風吹雨，番作六花飛。江上漁翁罷釣歸，寒感透入綃  
金帳裡。天天怎教奴獨睡，合前尾聲有家書，無人寄。  
魚沉雁杳，信音稀，甚日團圓重賀喜。

黃鶯兒一套

中秋

胡金菴

陰晦一時開，喜姮娥出關來。山河百二生光彩，夜宴  
且排金尊慢催。何必雞唱書窗外，試開懷，吹簫相引，  
攜手共登臺。前腔萬里絕塵埃，會嫦娥自有階。廣寒  
仙桂真吾愛，明秋折來。今宵漫猜翩翩衣染香風在，  
試開懷，吹簫相引，攜手再登臺。簇御林詩千首，酒百  
盃。憶當年李白才，良辰不飲真堪怪。忍看那魏鵲吳

牛態試開懷、霓裳再舞、身世忙瑤臺、前腔、歌聲滿、咲  
語、該願年年、樂事諧、管長生有藥、飛仙界、任清寒如  
水也、方稱快、試開懷、霓裳再舞、身世即瑤臺、琥珀貓  
兒墜、尋常三五、已是醉秦淮、何況今宵景更魁、天街  
不夜任徘徊、開懷、休論取人多離別、月有沉埋、前腔  
南樓高處常是照、金壘、況得金釵、夜夜陪、勸君休學  
阮途哀、開懷、咲殺他、砧聲亂擊、杼音頻催、尾聲、姮娥  
暫別青天外、有約黃昏重待、拚得開懷、懷再開、

黃鶯兒一套

重陽

胡金菴

佳節又重陽、喜東籬菊已黃、開尊且醉陶元亮、風來

不短。年來不忙，人生幾度能歡賞。細思量，天空海闊，  
隨處卽家鄉。（前腔）醉後興偏狂，向龍山更舉觴。多情  
破帽，依頭上，由他降霜。任他送涼，茱萸細看空惆悵。  
慢思量，古今興廢，何用感衷腸。（前腔）戲馬久成荒，且  
優游，駕小航。落霞孤鶩，渾無恙，堪羞宋郎。堪嗟沈郎，  
一悲一瘦，無情況。再思量，詩魔酒債，落得度時光。（前  
腔）歸去擁紅粧，儘盈頭花戴香。頻開笑口，還低唱。喜  
殺楚娘，愛殺洛娘。從今永保無災障。莫思量，良宵美  
景，不樂計非長。（獨兒墜）登高佳約，明歲莫相忘。難忝  
當年美范，張忍教三徑久成荒。思量要知是，少壯襟

懷須放徜徉、前腔、橙黃橘綠、新稻已登場、明日還  
漉濁漿、忍教蜂蝶把花戕、思量況又值月白風清、  
宜弄絲簧、前腔、深秋夜半、天氣倍淒涼、生怕黃花改瘦  
臞、與君燒燭且相防、思量便劇飲醉倒花前、也是風  
光、前腔、塵機俗務、何用苦忙忙、一任時人笑語傷、到  
頭却是屬黃梁、思量但只願年年此日、攜手相將、  
尾聲、客中興味誰攔攔、況秋景目前堪賞、肯使蕭條鬢  
點霜、

黃鶯兒一套

秋懷和韻

胡金菴

搖落怎生熬、月明時、雁字遙、孤衾轉展、天難曉、情和

枉勞風流頓銷夢中陳迹何須道合好心焦婦少一  
見空度可憐宵前腔疎雨打芭蕉更狂風聲怒號床  
頭囊底都虛耗花情懶豪酒興欠高歲華惹得傷人  
笑合前猶記墜何方砧杵偏向枕邊敲爭奈歸心折  
大刀暗將珠泪隔窓拋合無聊斷送人一生憔悴潘  
髻瀟瀟前腔披衣起坐獨自把燈挑鼓澁更殘遠驪  
譙熒熒孤影共誰交合前尾聲別離滋味都嘗到何  
日裡得開懷抱却把歡娛換寂寥

黃鶯兒一套

恬退

胡全菴

題起一番愁利名心付水流不如窓下酣盃酒看朱



羣芳集卷之五  
顏白頭看青雲玉樓電光石火難長久漫夷猶蠅頭  
蝸角會見有時休前腔賈掉五湖遊慣忌機烹狎鷗  
人生如夢空窮究把紅塵遠畔把閒心早酬白雲滿  
榻風生袖最清幽無非無是贏得傲王侯猫兒墜一  
聲長嘯不覺海天秋浩蕩衿懷春已收倘來富貴視  
雲浮參透好咲他崖前走馬風裡行舟前腔義皇上  
世無識亦無謀叔季人情愈下流高飛遠舉怕回頭  
知否已是嘆泥途出晚尚肯淹留尾聲任他塵世還  
奔走聽我飄飄做箇高士儔懶為兒孫作馬牛

黃鶯兒一套 警悟

胡金菴

事業付漁樵、手中將語、敲敲見人、惟有呵呵、笑烏江  
氣豪、赤壁事豪、到頭陳跡空悲悼、索清高、虛名虛利、  
相視等鴻毛、前腔造化小兒曹、慣迷人、沒下梢、南來  
北去、何時了、精神枉勞、容顏暗消、可憐填不滿、塵心  
竅、漫推敲、時光迅速、看甚在蓬蒿、猫兒墜蓬萊海外、  
飛去路何遙、曾見東方三竊桃、再聽弄玉夜吹簫、飄  
飄一任他、此邱墳墓、日日培高、前腔桑田滄海、更變  
也難饒、何況區區一市朝、蜉蝣生世不終朝、飄飄問  
誰能棄瓢、洗耳、學得由巢、尾聲白雲滿地、無人掃、姓  
字年華都忘了、那管你鐘送黃昏、雞報曉、

黃鶯兒一套 偷情

收春主人

情趣在相偷、眼波兒先暗勾、匆匆試作鴛鴦偶、全無  
數抽、一齊便丟、平時宿火、今聊救、記心頭、從今得便  
相與、繼綢繆、前腔、着手便情休、為私心、得少酬、時時  
交會、安能穀擔驚着憂、招非忍羞、不如無帳番親厚、  
甚緣由、假將疑避、不敢逞風流、猶兒墜、押衙何處、我  
欲藉神謀、怎得春光被我收、空勞紅葉水中流、休休  
倘被人瞧破、恩反成讐、前腔、燈前月下、伺候摠淹留、  
覆雨翻雲、豈好逑、吹簫空自憶秦樓、休休、怕粧成金  
屋、變做悲秋、尾聲、雁聲、吠處雞聲驟、夢破、高唐興、轉

稠不比踰牆把處子撿

字字錦一套

四時閨怨

楊彥華

羣芳綻錦鮮香逐東風軟鶯簧奏巧聲提起傷春怨  
覩名園只見杏障桃屏桃屏上真果柳擁翠烟難言  
桃花相映怕不強似去年緣何去年去年人不見  
空感破兩眉尖柰山遙水遠他在那裡和誰兩個瀟  
瀟洒洒咱這裡思思想想心心念念欲待要見他一  
面前腔梅黃雨霽天漸覺南薰轉聲聲噪柳蟬對對  
飛梁燕盼庭前只見照眼榴花榴花上真果紅顏似  
染堪觀鴛鴦並頭怎不教人可憐綉房中有誰有誰

同歡宴合前賺離緒懨懨，奈少個人兒在眼前。空嗟  
怨何年何日再團圓。淚漣漣，極目關山人去遠。寫下  
花牋，誰與傳心事，無靠托。那冤家，直恁誤人方便。好  
難消遣。好難消遣。滿園春南樓外，鴈翩翩，悄沒箇音  
書轉。聽長空敗葉飄飄舞，金風動鐵馬兒聲喧。紗窓  
外透銀蟾。合想殺人也天，盼殺人也天。短命冤家音  
稀信杳，莫不是負却盟言。前腔彤雲布，朔風凜，遍長  
空。柳絮飄綿，見幾樹早梅初綻。蕊銷金帳，無人來伴。  
獨坐在獸爐邊。合前尾聲終須有日重相見，對月臨  
風自消遣。辦炷名香祝告天。

山坡羊一套

青樓

楊德壽

幾烟花章臺幽雅、憶秋娘、千金聲價、綉重重羅幃、  
春香飄飄十里聞蘭麝、團扇遮東風、彩袖斜、金鈎錯  
落、錯落珠簾掛、楊柳風、軒梧桐月榭、堪誇鳳釵頭掉  
杏花、堪誇綉鞋尖、蹴落花、五更轉、燕子樓、雕甍詫、綺  
窓春、捲幔紗、長安年少、年少雕鞍卸、看取惜玉憐香  
牡丹亭下、香篆消、日轉過、荼蘼架、淋漓酒、溢酒溢黃  
金竿、舞回黛、減雙蛾、笑倩檀郎頻畫、江兒水、冉冉東  
風蝶、淒淒暮雨鴉、春來秋去、泉東瀉、芳顏不似前、滿  
酒、鏡鸞春曉、流塵惹、門外不來鞍、馬嘶雨、尤雲一筆

從今勾罷玉交枝、幽情閒寫、抱琵琶、臨風怨嗟、三千  
珠履金屏下、到如今、都在誰家、翻雲覆雨、難怨他、色  
衰愛寢、從來話、憶西陵、松陰露華、嘆潯陽、江聲月華  
解三醒、綠紗窓、春閒綉榻、夜迢迢、帳冷梅花、香車油  
碧、憑誰駕、空悵快、泪如麻、歌闌白雪、知心寡、裙褪圍  
花、皺紫霞、頻驚訝、嘆芳容、渾似、白璧生瑕、川撥棹、舉  
目無聊藉、嫁商人、不戀家、似楊花、飄泊天涯、似楊花  
飄泊天涯、恨殺當初一念差、望青樓、道路賒、盼鄉關  
雲霧遮、僥僥令翠鞋、行草野、彩袖浣塵沙、誰想錦瑟  
瑤箏零落後、今日裡、聽城頭、奏暮笳、尾聲、衰榮人世

花開謝不獨平康可嘆嗟須信東陵有種瓜

山坡裡羊一套

閨怨

陳秋碧

風兒疎刺刺吹動雨兒淅零零風送雨聲淒楚風兒  
橫綉幕中燈兒一點紅燈兒照破人兒夢夢繞巫山  
若箇峰朦朧徘徊兩意濃匆匆歡娛一霎空皂羅袍  
翠被今宵寒重聽蕭蕭落葉亂走簾櫳綠雲堆枕髻  
聲絲不知溜却金釵鳳惱人堦下淒淒候蛩驚心樓  
上噹噹曉鐘無端盡角聲三弄解三醒犯最無柰漏長  
更永怎支吾恨多愁冗夜深私語無人共他那裡驢  
青驄笙歌醉迎花咲擁多應在蘇小湖頭桺市棗放



情一時間採遍芳叢。玉胞肚音書誰送。知隔著關山  
幾重。見如今水闊山高。促急裡怎覓鱗鴻。寒衣費盡  
剪刀工。線線針針手自縫。調角兒序犯一任他浮踪浪  
跡。終須是有個相逢。既然他能全始終。作來的儘自  
包籠。告神靈都無用。捧玉鍾。流霞滿泛。親陪奉。土前  
共死後從。再把連枝種。尾聲寵愛深恩。情重風流過  
犯且姑容。多少聞言過耳風。

十二峰一套 晝夜閒情

陳秋碧

山坡羊伴孤燈三更情況。捱剩枕幾番移放。想當初  
此時共他棲香肩。睡足芙蓉帳。五更到如今獨自

空惆悵燈兒半滅半滅銀河上你看殘月低沉又

早鐘敲雞唱園林好聽鴉啼林梢曉霜看日影花篩

紙窓江兒水怕對鏡愁添悵快羞殺胭脂粧不就桃

花模樣玉交枝眠思夢想對朝食無心去嗜好花曉

怯枝頭放帶不上昨夜春光五供養纔離鴛帳又早

見雙飛燕來燕往起來無半日泪滴幾千行怕綉那

傷心兩兩鴛鴦好姐姐午晌倚樓凝望人隔着山高

水長玉山頽穿梭日影又過粉墻西向香闥人寂寞

恨茫茫綉鞋兒雙褪晒西窓鮑老催此情怎當疎林

鳥投喧夕陽人歸不似飛鳥忙川撥棹想起他虛謊

二七

卷之六

不思量，歸故鄉。愁殺人，傍晚淒涼。愁殺人，傍晚淒涼。  
[慶子] 罵負義，虧心薄倖郎。把燈兒點上銀缸，把燈兒  
點上銀缸，捱過黃昏又怎當。  
[曉僥令] 聽嘹嘹孤雁泣，點點漏聲長。夜靜更深人悽愴，總夢兒裡相逢魂渺  
茫。  
[尾聲] 一年未了相思帳，一月月難消磨障。那更一  
日十二箇時辰，空斷腸。

畫眉序一套

途思  
入商黃調

文三橋

白露破青烟，曙色將明動。橈船見蕭條風景，意惹愁  
牽。家鄉裡何日留連，山水興今朝消遣。滿懷無限淒  
涼景，芙蓉冷落誰憐。  
[黃鶯兒] 茅舍兩三間，傍危橋涼

水邊西風桂子香飄遍。砧聲亂傳。離情慘然。傷心始  
見雙飛燕。嘆陽關、驪駒唱徹。不覺又經年。簇御林、蘆  
花滿。宿錦鴛。比情人無二三。蓬窓獨倚空長嘆。紫簫  
聲斷。行雲散。並頭蓮。何時共枕。重會舊姻緣。集賢賓  
層巒萬疊如翠攢。飛紅瀉石。涓涓蕭寺疎鐘。人漸遠。  
頃刻間。趨過前川。柴門半掩。幾度把青帘。頻盼。身勞  
倦。難。昨處野色相連。皂羅袍滿目黃花夾岸。似粧成  
一簇。晚景鮮妍。夕陽影裡。噪寒蟬。頻香水綠。真堪玩。  
漁翁釣罷。和衣醉眠。牧童笛弄。無腔自喧。沙鷗驚起。  
滄江畔。猫兒墜。寒灘風冷。又早著霜斑。欲寫新詩興。

未闌巫山夢斷而雲開情慳甚日得團圓再整婦  
關雙雞疎林外疎林外古樹藤纏烟村裡烟村裡古  
渡船灣幾番漁鹽入市商人交競後早日已殘只見  
古樹昏鴉爭宿樹間尾聲異鄉情緒何曾慣江村漁  
火對愁眠幾時得歸夢依稀返故園

畫眉序一套

入商黃調

一見杜韋娘惱亂蘇州刺史腸似奇花解語軟玉生  
香綵雲輕舞袖蹁跹金縷細歌喉清亮料應夙世曾  
為伴今生再得成雙黃鶯兒偏愛素羅裳煞娉婷忒  
恁狂丹青怎畫得他嬌模樣行思坐想恩情怎當這

冤家牽掛在我心兒上，細思量，一時不見如隔九秋霜。  
集賢賓 一味志誠非勉強，他有鐵石心腸。君子情懷耐久長，我何曾着意關防。憑君主張，自不許蜂喧蝶嚷。  
秋江上芙蓉花到老含芳，猶兒墜合歡未久無柰往他方。  
渭北江東道路長，暮雲春樹兩茫茫。何妨一種相思，分做兩處悲傷。  
尾聲 歸來依舊同歡賞。月下花前再舉觴，只怕歲月無情兩鬢霜。

畫眉序一套

題情  
入商黃調

花下見妖嬈，彷彿仙姝離蓬島。看眉橫翠黛，臉暈紅桃。  
步香塵羅襪輕盈，歌麗曲鶯聲嬌巧。見人未語先

含咲朱唇兒綻破櫻桃黃鶯兒楊柳聞纖腰露春蔥  
十指嬌琵琶撥盡相思調能詩薛濤賽江東小喬雙  
生何必尋蘇小鳳鸞交偎紅倚翠無福也難消集賢  
賓也曾焚香告天把蘭麝燒也曾把詩句兒寫滿鮫  
綃也曾向芍藥闌前閑闌草也曾在月下吹簫他有  
文君雅操正遇着相如才調同傾倒相隨趁月夕花  
朝猶兒墜千金一刻難買是春宵白髮相催人易老  
貴人頭上不曾饒今宵不如典却鸛裘解下金貂尾  
聲一團嬌紅迎俏鎮日裡追歡買咲只恐人老花殘  
空懊惱

畫眉畫錦一套

途思  
入高平調

燕客

霍索起披襟見雞窓下有殘燈把行囊束整跨馬  
程傷情半世隨行琴和劍幾年辛苦為功名從頭省  
只落得水宿風餐帶月披星畫錦畫眉冥冥霧淡雲  
輕蕭寺漸遠猶聞得隱隱鐘聲離却邯鄲觀野外  
烟凝銀河落斗柄初橫玉露冷衣襟濕潤懊恨牢落  
在江湖上身一似浪裡浮萍簇林鶯黃花綻滿路  
見人家半啓局只聽得馬蹄兒跔的跔蹬穿荒徑  
睡犬早驚哀猿忍聞只見兩兩三三牧童騎犢過了荒  
郊徑數郵亭長亭共短亭一亭過了又一亭  
鶯兒



伐木響丁丁，傷幽林取次行。只聽得敗葉兒淅零索，  
落隨風韻，殘月尚明，殘星尚存，碧溪清淺，梅橫疎景。  
算行程，山程共水程。一程過了，又一程。（螭蟬令）霧斂  
雲收，曙色漸明，隱約遠山青。只聽得豁喇喇澎湃波，  
濤怒嚮潺潺石澗水傾。白蘋洲紅蓼汀，料想眠鷗宿，  
鷺鷥（一封書）犯芳草渡岸濱。野渡無人舟自橫，江潮  
定水平。蒹葭浦濕帶浪痕，漁翁尚臥在蘆花深雪裡。  
瀟瀟洒洒，五湖烟景有誰爭。（馬鞍兒）怪石似劍排空，  
陣連雲棧，怎生登巉巖峻嶺，巉巖戰戰兢兢，迤邐無  
人存問。西風吹髻，帽簷半傾，東方潑眼紅日漸昇，前

途且喜村庄近。皂羅袍酒旗竹籬掩映。買三杯消  
少助精神。素壁中間畫劉伶。竹筴共磁甌相稱。齊然  
蛸蛸正當此景。菊花新酒和誰宴。飲教人止不住。思  
鱸興。梧葉兒名韁利鎖苦相縈。背雙親離鄉別井。何  
時名位到公卿。受艱辛一言難盡。驀聽得晨雞三唱。  
直待曉鐘始停。好傷情。回首望家鄉。泪暗傾。水紅花  
漸覺日高丈五。聽離巢鳥亂鳴。見古樹纏枯藤。冷清  
清。深秋光景。一灣流水遶孤村。小橋橫。人烟寂靜。八  
九間茅簷草舍。三兩行雁南征。嘹嘹唳唳。叫聲頻也。  
囉。尾聲。攬絲鞭敲金鐙。到得都下始安寧。直待衣紫

腰金方稱心

黃鶯兒一套

閨怨  
入高平調

文衡山

孤鏡盡愁眉，未凝眸。淚已垂。悔當初，拆散鸞凰侶。而今未歸，芳心付誰。總詩題紅葉，空自隨流水。隔天涯，願君如旅雁，萬里向南飛。  
(香羅帶)相思倚綉幃，離愁怎持。金尊未傾心已醉，冰絃欲理指難移也。此際無窮意，有天知。天應念妾妾念伊，惟有薄倖無情也。不念當初炊爨處，(醉扶歸)對銀燈終夜長吁氣。整鴛衾，空憶合歡時。怪蛩聲偏惱，獨醒人恨嬋娟不照孤眠處。怎能殼重合鳳臺簫，多應是鴛悞巫山雨。  
(好姐姐)

追思那日別離兩下裡指天設誓銘心刻腑教他休  
負虧成何濟君心一似風中絮飄蕩春江猶未歸玉  
山頽殘秋天氣憶蕭關尚未授衣自臨機欲織迴紋  
未穿梭寸心先碎柔絲萬縷千里車輪難繫路遠書  
空寄卜歸期教人終日倚門明香柳娘看芙蓉滿地  
看芙蓉滿地兀自笑人憔悴對花無語含羞愧佇金  
蓮懶移佇金蓮懶移獨立望長空銀河隔牛女嘆朱  
顏漸衰嘆朱顏漸衰半向夢中消半向愁中去尾聲  
天涯草色心千里盼望王孫何日歸此恨綿綿無絕  
期

大石調 有小石調

念奴嬌序一套

閨情

王西樓

麗譙落月正野鳥城上啼殘萬瓦明霜畫角聲中嗚咽處吹徹老梅爭放悽愴太灝宸遊乍臨青闕土牛簫鼓天街上人爭開報道紛紛綵仗簇擁勾芒刷子序成行仕女檢春忙巧翦春幡綵燕雙雙試舞翩翩鬪釵頭鳳凰惆悵偏我慮天涯人遠偏我慮山高水長又慮他萍踪梗跡兀自滯他鄉好事近思量教我轉悲傷空辜負景好辰良鳳樓此夕花燈月色交半六街九陌見佳人攜手頻來往我如今虛度春宵

甚麼萬金難償錦纏道迅時光早花朝催開衆芳紅  
紫鬪春粧最多情灞陵岸上柳絲百丈挽留住別離  
車鞅畱不住教我徬徨撓亂九迴腸終宵魂夢空飛  
到楚陽未了平生願錯教神女惱襄王晉天樂愁似  
織濃如釀都鎖在春山上怕林鶯嬌囀笙簧看晴沙  
浴煖鴛鴦杏花出牆更羞看桃花人面崔郎西塊玉  
夢花風吹衣爽催花雨拋珠響心欲裂憔悴姬姜眉  
羞嬌鎮思張敞鴻鱗久絕便到言都謊敢是托根桃  
李場他做不得坦腹東床學不得待月西廂怎做得  
尾生死抱河梁傾盃序淒涼從君去冷綉房寂寞靜

梅花帳想揮泪陽關分袂情難約在端陽準擬還鄉  
眼睜睜教我窮冬捱盡又過青陽一似楚夢沉湘天  
便教人霎時相見又何妨玉芙蓉風和蝶戀香水煖  
魚吹浪正園林開到荼蘼海棠乍晴乍雨花容老輕  
煖輕寒愁味長這相思病自別來盡償總朱顏消瘦  
不比舊時麗雁魚錦幾回悶倚闌干望錯疑是隔斷  
迷漫烟水蒼蒼待凝神想來依然遼絕千山萬水天  
一方使我江雲渭樹空懷仰懷仰他多情個儻教我  
涕滿秋眶他那裡燕飛不識烏衣巷我這裡寂寞春  
風王謝堂千秋歲試羅衣只早清明候約女伴踏青

遊賞紅杏村中紅杏村中只見一枝高掛牆頭酒望  
那當爐喚酒娘遊人都解下金貂當體想文君蕩臨  
邛司馬夜共逋亡小蓬萊歡娛事皆已往淒涼事總  
盡償雲迷楚峽空餘嶂彩鸞飛去臺虛敞秦樓竟沒  
簫吹響每日家教我怨恨裴航古輪臺燕雙雙差池  
上下掠風狂畫長院宇重門曠穿簾入幌更低度重  
簷銜泥來往壘巢忙似有約含情頡頏盡棟烏衣巷  
一帶芹香把別離情況織就烏棚賦短章我如今欲  
煩飛燕暫停雲翦聽奴暗囑遙寄薄情郎都不解銜  
將春色去昭陽越恁好落花飛去滴溜溜過短牆點



點胭脂雪錦疊砌綉鋪塘亂紛紛絮狂亂紛紛絮狂  
白漫漫似雪飛占斷平康靜陰陰綠蔭嘈咕咕鷓鴣  
兒打點送青皇一春事少年時可惜都骯髒不由人  
不題名罵那薄情阻攔（尾聲）啼來有日同鴛帳還問  
他別來無恙只怕他做了天涯一浪蕩

念奴嬌序

出塞

梁伯龍

龍荒萬里正風高紫塞迢迢千古長城落日寒原凝  
望處茫茫極北雲平連亘白狄臨關黃河夾地胡兒  
千隊此馳騁（合）還自許終軍早歲獨請長纓（前腔）堪  
哽陰燐耿耿見白骨滿野烏鳶螻蟻相慶萬疊驚沙

探騎急，黑夜移營傳令還。逞首著初肥，葡萄新熟酪  
裘十萬盡精英。（合前）前腔愁聽破納沙頭，受降城上  
斷鴻殘角總邊聲。烽埃直，烽埃直，見月下歸來殘兵  
飛警雪，迸金笳。雲崩鐵騎，祁連黑虜正憑凌。（合前）前  
腔冥冥殺氣侵雲，獵聲沉塞。新來降騎說蕃情，麟閣  
迴麟閣，迴莫負三尺青萍。休驚北接莎居，西通疎勒  
班超原是一書生。（合前）古輪臺鴈南征，西風吹急不  
堪聞。胡天嘹唳空相應，音書難倩。况萬里臙腥，更誰  
訪紅顏薄命。有西邊烏孫，一生孤另，有荒墳烟鎖草  
青青。霜迷月冷，有崎嶇北汗胡塵。哀笳倚拍，家山何

處淒涼風景千載恨難平關河永遊魂無侶伴孤影  
前腔閒評曾有擒虜王庭還又有殺敵居胥戰無不  
勝竹帛丹青細屈指依稀名姓有年少封侯奇功難  
並也有垂老轅門竟無成數奇不幸有白頭北海飄  
零淹留朔地食糗嚼雪旌旄落盡成敗古難憑但願  
輸忠盡君不聞男子重橫行尾聲天王借十萬兵會  
看取單于繫頸直待要踏破燕然再勒銘

新刻羣音類選清腔卷四

新刻聲音類選清腔卷五

虎林 胡氏 文會堂 校選

雙調 有僊呂入雙調者

步步嬌一套

閨情 大歇帖 此套有南北調者在後

李愛山

暗想當年羅帕上詩曾寫偷綰下鴛鴦結他心猿乖  
意馬劣都將軟玉嬌香嫩枝柔葉琴瑟正和協不覺  
花影轉過梧桐月（沉醉東風）一團嬌香肌瘦怯半含  
羞粉容輕貼微笑對人悄說休忘了今夜等閒間將  
海棠開徹把山盟共設不許片時暫撇若有箇負心  
的教他隨燈兒便滅（忒忒令）他殷勤將春心漏泄我

風流寸心終拙，因以此上楚雲深鎖。黃金闕，休把佳期  
頓撇。湘江竭，燕山截，斷魚封雁貼。好姐姐自別逢時  
遇節，冷淡了風花雪月，柔腸萬結。怎禁窓外鐵無休  
歇，好似珮環搖明月。又被西風將錦帳揭，桃紅菊滑  
城人肌膚瘦怯。楚天秋難禁，並疊停勒了畫眉郎京  
尹，補填了東陽令滿缺。雙蝴蝶嘆嗟歡喜事能幾些，  
痛切相思病無了絕。朋友每知疼熱，早收心與你箇  
寧貼。待捨想着他嬌模樣，教我怎生樣捨。待撇想着  
他至誠心，教我怎生樣撇。園林好也傷我連枝帶葉，  
致令得狂蜂浪蝶，開炒起歌臺舞榭。回首處，楚雲遮。

堪嘆處、彩雲賒。川撥棹、成吳越。怎禁他人、搬開謀、平  
白地送、暖偷寒。猛可的、搬唇通舌。水晶紈、不住撇、點  
銅鈎。一味掘錦衣香。楚館焚秦樓拽。洛浦填涇河截。  
梅家庄、水碓湯瓶、打為磁屑。賈充宅、守定粉牆、缺武  
陵溪澗。花兒釘了椿楸。楚襄王、夢驚漢相如、砍番車  
轍。深閉芙蓉闕。紫簫吹裂。碧桃花下、把鳳凰翎毛生  
扯。漿水令響。當當菱花碎。跌側楞楞、冰絃斷截。忙支  
支同心帶。扯咭叮當寶簪墮。折採蓮人、偏向並頭折。  
比目魚、就池中冷水燒熱。連理樹、生砍折。打撈起、御  
水流紅葉。藍橋下、浪滾滾、波濤捲雪。祆神廟、焰騰騰。

火走金蛇有結果煞。饒君總把機謀設。瞞不過負心薄劣。除非是夢兒裡對他分說。

步步嬌一套

端隱

王陽明

宦海茫茫京塵渺。碌碌何時了。風掀浪又高。覆轍翻舟是非顛倒。算來平步上青霄。不如早泛江東棹。沉醉東風亂紛紛。鴉鳴鵲噪。惡很很豺狼當道。冗費竭民膏。怎忍見人離散。舉疾首感額相告。簪笏滿朝。干戈載道。等閒間把山河動搖。  
(武成令) 平白地生出禍苗。達天理那循公道。因此上把功名委弃如蒿草。本待要竭忠盡孝。只恐怕狡兔死。走狗烹。做了韓信的

下梢(好姐姐)爾曹難與共朝真和假那分白皂他把  
孽冤自造到頭終有報設圈套饒君總使機關巧天  
網恢恢不可逃(嘉慶子)算畱侯其實見高把一身名  
節自保隨着赤松子學遁也免得向雲陽赴市曹(雙  
蝴蝶)待學陶彭澤懶折腰待學戴西施范蠡逃待學  
張孟談辭朝待學七里灘嚴子陵垂釣待學陸龜蒙  
筆床茶竈待教東陵侯把名利拋(園林好)脫下了團  
花戰袍解下了龍泉寶刀卸下朝簪烏帽布袍上繫  
麻縹把漁鼓簡兒敲(川撥棹)深山松梢沒個閑人來  
聒噪跨清溪獨木為橋跨清溪獨木為橋小小的茅



庵蓋着種青松與碧桃採山花與藥苗錦衣香府庫  
充何足道祿位高何須較從今耳畔清閑不聞宣召  
蘆花被煖度良宵三竿日上睡覺伸腰對鄰翁野老  
飲三杯濁酒村醪醉了還歌笑勦勦睡倒不圖富貴  
只求安飽聚水令賞春時花藤小橋納涼時紅蓮短  
棹稻登場雞豚蟹螯雪霜寒純綿布袍四時佳景恣  
懽樂也強如羽扇翻麕玉珮趨朝溪堪釣山可樵人  
間自有蓬萊島何須用何須用樓船彩轎山林下山  
林下儘可逍遙尾聲從來得失知多少總上心來轉  
一遭把門兒開了只許詩人帶月敲

步步嬌一套

開情

滿目繁華春將半、回首情無限、西樓畫捲簾、芳草萋  
萋、野花撩亂、斜倚畫闌干、把江南雲樹相思遍、  
（忒忒）令理冰絃、將離懷自遣、未彈時、意慵心倦、詞調短、寫  
不盡、心中愁怨、空冷燼、玉爐烟、又早見、風兒細、月兒  
明、花陰半轉、（園林好）只為他、蘭香懶燃、只為他、金鍼  
懶拈、只為他被、姊妹們、輕賤、只為他、意懸懸、只為他  
恨綿綿、（香柳娘）漸香消、玉減、漸香消、玉減、青鸞羞見  
啼痕、滴損桃花面、怕黃昏到也、怕黃昏到也、衾冷倩  
誰溫、枕孤有誰伴、自長吁、短嘆、自長吁、短嘆、把心兒

暗思口兒頻念(好姐姐)可憐正淒涼未眠冷冷清清把  
紗窗半掩更長夢短使人愁悶添真堪怨冤家倒把  
誰迷戀不記得花前月下言(雙蝴蝶)恨天嘆紅顏多  
命蹇恨天負心的音信遠捱不過夜如年寬褪了兩  
行金釧恨天杳沒箇便人兒將我心事傳恨天空教  
我卜金錢眼望穿(玉胞肚)薄情心變頓忘却香囊翠  
釵只為他假話虛言哄得人意惹情牽朝思暮想病  
恹恹只落得瘦怯怯花容不似前(玉交枝)時光似前  
送青春催着少年看雙雙花底鶯和燕怎教人獨宿  
孤眠他在紅樓翠幙醉管絃竟不念我寒燈暮雨空

腸斷訴不盡離愁萬千訴不盡淒涼萬千  
不記得海誓山盟不記得海誓  
思遍恨冤家忒行淺不記得海誓山盟  
不記得海誓山盟不記得海誓  
山盟不記得羅幃鳳鸞不記得畫屏前  
不記得枕兒邊  
僥僥令蒼天還念我再結此生緣  
有日相逢重歡宴  
把好話綢繆春晝短  
尾聲殷勤寄與南來燕  
使情人心回意轉  
花再芳時月再圓

步步嬌一套

代寄妙

梁伯龍

一夜梧桐金風翦敗葉空廊  
戰離愁有萬千夢入蘭  
心芳香不變目斷碧雲天  
把西樓東角閑凭遍  
忒忒令記初見在春風綉筵  
又暮遇在夜香庭院  
花枝妖

娘似趁風兒顫人叢裡信難傳人叢裡信難傳又誰  
知背畫闌把秋波暗轉尹令自別去心畱意眷再沒  
處尋芳覓便誰道渡頭重面還似舊時迷戀路整藍  
橋肯負前生未了緣品令娘行為何再入武陵源池  
亭深處恰是降飛仙幽期密訂去留多腴腆太湖石  
畔只恐怕他人瞧見帶綰同心共結東林祇樹邊豈  
葉黃夜深沉漏滴銀鎖兒空懸挽青鸞翅入重樓挽  
青鸞翅入重樓親受用香溫玉軟一時纏繞釵橫髻  
偏真個是水雲中的鸛鵲真個是水雲中的鸛鵲看  
遺却花鈿零落在銀屏錦鞦玉交枝舞衫歌扇載卿

卿西江畫船紅衣濕處清波濺並頭開徹雙蓮絲絲  
柳條風渚牽瀟瀟竹影溪雲淺擁鶯衾落月未眠酒  
初醒猶聞香燭（月上海棠）最可憐懽娛未了生離怨  
恨片帆東去甚日重還霎時間翠減香消頃刻裡山  
長水遠重罰願願年年相見勝是今年（江兒水）江水  
明於練秋雲薄似綿柰扁舟飄忽如飛箭看床頭翠  
被餘香捲囊中秀髮和愁纏怕覩社前歸燕何日重  
來還向舊家庭院（川撥棹）詩題絹淚斑斑成翠蘚夜  
迢迢展轉無眠夜迢迢展轉無眠洞房虛孤燈慘然  
似枯枝泣露蟬似風前哭杜鵑（嘉慶子）腸斷箜篌第

五絃奈萬事傷心在眼前、總風波倏起平川、總風波  
倏起平川、誓把衷心鐵石堅、願頻頻、晉信傳、莫教人  
眼望穿、尾聲、歸舟、有日還重見、那時節、錦堂懽宴、銀  
燭高烧、繡帳懸、

步步嬌一套 閨怨

昨夜春歸、今朝夏、時序如翻掌、相思惱斷腸、只怕愁  
病無情、減却容光、血淚漬成行、點點滴、滴在青衫上、山  
坡羊、綠陰陰、竹梢初放、碧沉沉、荷錢較長、紅潏潏、榴  
花漸舒、白茫茫、麥隴翻銀浪、雨乍晴、園林梅子黃、時  
移物換、物換人何向、種種思量、般般惆悵、淒涼半開

念半掩窓悲傷半思郎半恨郎（五更轉）納稼時離鸞  
帳到如今又插秧南鱗北鴈北鴈頻來往自設一紙  
書來慰奴懷想向晚來空倚定危樓望朝雲暮雨暮  
雨和誰講除非夢裡重逢和你徘徊半晌（園林好覺  
來時愁魂半床那人兒依然在兩廂只落得千聲悵  
悵端的是怎推詳端的是怎推詳（江兒水）睡起嬌無  
力窮愁莫可當聽叮冬風韻簾鉤響清溜溜竹夾茶  
烟漾亂紛紛日映晴絲蕩渾攪碎離人情況總有良  
工畫不就相思模樣（玉交枝）綠窓虛朗畫寥寥共誰  
舉芭蕉弄影搖書幌一霎時過了端陽怕夢魂驚



飲進楚襄眉兒淡了思張敞待見他山長水長待放  
他情長意長（玉胞肚）南薰薦爽夕陽陰看看過牆聒  
噪些蛙鼓蟬琴蕭索了蝶板蜂簫中心怏怏無明無  
夜費思量倩托何人遠寄將（玉山頌）精神惚恍這滋  
味何曾慣嘗觀花鈿粉面流脂透酥胸汗雨揮漿燈  
花鵲噪到此都成虛誑命薄多磨障意傷裊停鍼無  
緒綉鴛鴦（三學士）花情酒債何時了償經幾度飯費  
茶荒威蕤懶傳何郎粉寂寞羞添賈女香心為遠懷  
縈百丈魂消處逐去嬌卿三醒錦瑟開有誰宴賞記  
昔日歡娛在畫堂今日裡浮瓜沉李沒心想盈盈洞

浴蘭湯、趁微涼、款步出洞房、悶數歸鴉立小廊、聲嘹  
唳、採蓮歌、何處晚渡橫塘、川撥棹、舉目誰親傍、對三  
星、禱夜央、倘冤家、杳隔在瀟湘、倘冤家、杳隔在瀟湘、  
幾時得、榮歸故鄉、辦成誠叩上、蒼桀愁城未肯降、嘉  
慶子、瘦瘦損、龐兒淺淡粧、怪暮鼓晨鐘特地忙、早知  
道、今日恓惶、早知道、今日恓惶、爭似當初不識強、待  
相忘、不敢忘、待相從、路渺茫、僥僥令蜻蜓飛兩兩、燕  
子語、雙雙偏我海誓山盟、都是說、番做了五更頭夢、  
一場、尾聲、擲金錢卜得的、當只怕歸來鬢已霜、怎能  
殼、身生兩翅飛到伊行、

步步嬌一套

記情

張叔元

目送香車投東去。却赴孤舟裡。分離頃刻時。正是咫尺天涯。無盡相思。滋味有誰知。展轉懊恨長亭路。山坡羊。碧騰騰江雲紛聚。軟颼颼金飈乍起。那正值霜朝試寒。更堪憐。令節重陽際。見遶籬黃花已滿枝。何緣落帽。又豈登高避。回首茫茫前征靡靡。淒其似孤鴻嘹唳。啼歲華。伴孤鴻蘆荻栖。五更轉。石頭城煙霧底。早疎林月半窺。臨觴獨自。獨自長吁氣。且索強酒支吾。奈愁腸不帶。擁寒衿屈指。把更籌數。高唐夢杳。賦就成何濟。拚得個潘鬢沈腰。搖落悠悠千里。鬪林

好想新秋重來帝畿喜殷勤相過慰遠離慢追省分  
襟風而只落得兩猜疑只落得兩猜疑(江兒水)緩步  
秦樓悄挑鐙珊枕款啓朱唇道我忘恩義撲簌簌淚  
眼頻凝睇一聲聲怨把新人繫願托終身依倚三載  
丹誠惟有皇天鑒取(玉交枝)披衷數語信芳心金石  
堅持當初盟誓今猶爾豈區區薄倖男兒臨鵬若擬  
奮天遠鴛鴦管取浮波裡數年來雙魚信稀悔今朝  
相逢較遲(玉胞肚)前歡幾許感卿卿皓首為期又何  
須綠綺傳情端的望舉案齊眉教人暗憶雖然故國  
有明妃肯效虧心辜負伊(玉山頽)西風鏃羽凭危樓

如醉如痴、困英雄兩字功名、滯姻緣、李芳姿、一般  
偃蹇、雨下同擔、淒楚對掩、黃昏雨、涕交頤、啼痕破粉  
更因誰、（三學士）只指望、早遂于飛、却難道、拆散東西、  
霜風未得、乘鸞、鸞麗日、應教跨鳳、吹拋閃、暫時非容  
易、千金諾、忍相違、（解三醒）甫約定、春宵連理、幸良媒  
感慨恩私、押衙自古、誰為侶、虞侯而今、獨有渠、只為  
行囊羞澁、蠅頭利、翻令翠館淹畱、燕爾期、休憂慮、謝  
君家疏財、成就須有日、足繫紅絲、川撥棹、念你孱孱  
體、溷風塵、濁水泥、但從今、要珍重、蘭閨、但從今、要珍  
重、蘭閨、莫顚顚、玉腕香肌、挨寒冰、六出奇、瞬息間關

芳菲嘉慶子懶懶將心事向人題我叮囑都詳一首  
詩看玉墜今已牢携看玉墜今已牢携觀物休教越  
慘悽盼關山衰草迷儘恹恹寄尺書僥僥令香囊花  
勝縷羅帕斷腸辭道是月下燈前親針指付與我好  
開懷日夜隨尾聲船頭細把風流紀字字恩情字字  
悲真箇地久天長永不移

步步嬌一套 四卷

歡喜冤家難相離鎮日心縈繫衷腸訴與誰不合情  
多惹下相思泪咲我自痴迷眼睜睜不看傍州例江  
兒水想起初逢日乍見時指山高海闊為盟誓似漆

投膠相粘住如糖伴蜜甜言語哄得我輸情輸意今日裡苦淡酸辛都做了愁中滋味園林好起初時願白頭終身靠伊到如今剩隻手孤身靠誰早知你口是心非把盟山為地上泥將誓海為溝內水人月圓悔悔後應遲悔之又悔病纏身都為你瘦怯怯強自支持病懨懨無方療醫負心的人易欺昧心的天怎欺前腔喜喜那當時喜之又喜兩情濃無彼此情纏綰酒泛金卮意綢繆春生綉幃得便宜你自知落便宜我自知五供養托恩情說起似鸞交鳳友相偎惟嫌夜短恣歡娛那知更籌有幾一般樣銅壺漏水今

夜裡聽來滴下偏遲，余寒心獨苦。枕冷淚雙垂，翻來覆去，夢斷魂迷。  
（僥僥令）信無三月雁，愁有五更雞。把萬恨千愁重題起，都鎖在纖纖兩道眉。  
（前腔）闌中空懊惱，靜裡自尋思。想起負德辜恩無如你，受盡了淒涼更有誰。  
（尾聲）芳心已作沾泥絮，不逐東風上下飛。一任鶯老花殘春自歸。

步步嬌一套

閨怨

萬里關山音書斷，阻隔南來鴈。欲將心事傳天樣花箋，寫不盡相思怨。滴泪問金錢，精神恍惚，恍惚難推。  
（江兒水）玉腕鬆金釧，羅帶寬朱顏。不覺愁中換去。



燕歸來人不見料想迷留風月烟花館俺這裡寂寥  
無伴要解愁腸盃酒頻斟誰勸園林好夜無眠嘆嬌  
娥孤獨在廣寒照人間千愁萬歡步蒼苔露冷金蓮  
惜花殘嫌月圓惜花殘嫌月圓人月圓敢敢在秦樓  
別看管絃惡姻緣非偶然何日裡重跨青鸞俏臉兒  
和誰並肩不由人不泪漣不由人不泪漣前腔前剪  
斷連枝分開並蓮把鴛鴦一雙雙拆散杳然將菱花  
擊破何日裡再團圓何日裡再團圓五供養香消玉  
減怎當他多病多纏幾番勉強慙羞眉峰不展又  
聽得誰家庭院朱絃金尊空琥珀寶鼎冷龍涎一春

辜負了海棠花前（僥僥令）雕鞍何日轉，  
泪眼甚時一似線斷風箏，尋不見好夢也難成。  
衾枕單，前腔天。台風月遠，楚館雨雲懸。  
一似祇廟烟飛，燕輪斷，好事也難成。  
春夢短，尾聲東風桃李飛，庭院落盡殘紅啼  
杜鵑，可惜淒涼三月天。

步步嬌一套 閨情

蝶倦蜂愁，鶯無語，門掩蒼苔雨。  
傷情聽子規，野樹江雲倩誰為主。  
萬縷綠楊枝，如何挽得春光住。  
江兒水轉，眼春歸去，人未歸。  
顛狂性格風中絮，細雨梨花重門  
閉，青烟渺渺迷津渡。  
水上浮萍何處，燕子雙雙，鎮日

令人延佇。園林好，惜春心與殘花共飛。斷腸人把闌  
干悶倚。盼天涯。芳草萋萋，仗東君傳信息。要相逢知  
甚日。人月圓，約在園林。花叢裡。色侵肌香沁體。全  
不念舊日歡娛。到如今風狂露淒。想人生能幾時。想  
人生能幾時。前腔喜得今宵天清月輝。逐花陰步款  
移。對姮娥。俏問端的。到明朝陰晴怎知。那其間好護  
持。那其間好護持。五供養。無情逝水向東流。不管別  
離落花經雨濕。胭脂春光有幾。聽鶯鶯聲裡。斷送  
三。非。簾櫳多寂寞。心事苦淒其。這般怨恨更有誰知。僥  
僥令。峭寒生院宇。此景怎畱題。綠暗紅稀春去後。人

靜也烟籠欲暮時、前腔殘燈空結蕊、魂斷意如痴、  
夜迢迢添淒楚、衾枕冷無眠、更漏遲、尾聲一春魚鴈  
無踪跡、挫過風光九十、桃李含羞帶雨啼、

步步嬌一套 金思

悲歌七月秋風緊、流淚沾衣冷、忙騎瘦馬行、尚未天  
明、殘星耿耿、難認遠峰青、騰騰的轉過轉過黃花徑、  
江兒水轉過黃花徑、三五程、思親魂夢方纔醒、茅店  
雞聲南北應、那堪落葉秋風冷、咽破寒蟬難聽、征鐸  
鈴鈴山路竟無窮盡、園林好共徑行、正霏霏秋雨悵  
人情、又不知牧童在何處、弄橫笛兩三聲、慘人這其

間欲斷魂人月圓客客却閑雲一片情看山泉處處  
傾高林下聽得鳥鳴嚶嚶高林下聽得伐木丁丁野  
菜沿籬黃蝶遶野人家少四鄰野人家少四鄰前腔  
野野渡無人短棹自橫鹿成羣沙雁過汀正值黃昏  
時候天色淡雨初晴天色淡雨初晴五供養烟光漸  
暝閃閃寒鴉歸去幾陣寒蛩聲唧唧不堪聞昏鐘已  
鳴怎能殺到他漁火江村相伴他秋鴈與寒雲看看  
明月轉上蒼冥（僥僥令）郊原秋色淨蘆葦晚風清只  
聽得摘葉哀猿聲相應不見重門也何時入帝城尾  
聲江村無限吟詩興拂拂迢迢弄秋景一段丹青難

畫成

步步嬌一套

題畫卷

梁伯龍

目斷秦樓吹簫侶溫潤還如許連城價有餘遙想風  
姿似涸林琪樹素質定何如笑裝航空覓藍橋杵江  
兒水曾記梁園遇合浦婦謝家庭下空延佇似幾點  
輕盈垂楊絮一枝寂寞梨花雨二十四橋何處教徹  
鸞觴綵綉向月中歸去園林好初疑是在藍田故居  
又道是在荆山舊墟更想像在崑崙深處誰知生碧  
府長清都生碧府長清都川撥棹瑤臺路見飛瓊下  
紫虛水晶簾隱約冰膚水晶簾隱約冰膚雲母屏依

佈盡圖珮環聲疑有無珮環聲疑有無五供養酥胸  
皓齒更有冰心一片誰知堅貞還軟弱光瑩又芬敷  
春纖塵尾試掩映一般無二琅玕開竹圃秋水出芙  
蕖不讓陳宮後庭花樹僥僥金梅英春綻後蕙草雪  
消初只見歌斷泠泠山泉溜舞罷也亭亭海鶴孤尾  
聲書中有女應無數但不似舊家秋娘如故須待當  
年善價沽

步步嬌一套

題情

許然明

簾捲西風重門掩落葉閒珍簟秋歸六曲闌暮暮朝  
朝前事思量遍金鴨晚香殘藍橋咫尺雲遮斷江兒

水記得虹橋畔綠水邊似亭亭出水芙蓉艷  
歌眉先歛隔花無那關情伴脉脉楚天人遠江上  
峰夜夜波澄如練園林好在想像似淩波洛仙更何  
佛是臨春舊歡想璧月瑤枝猶燦又底事以雕簪將  
梅辦貼花鈿川撥棹尋常見駐清都隔紫烟為前盟  
未了塵緣為前盟未了塵緣下蓬山遊行世間照雙心  
寶鏡圓五供養秋期已半天上宮闕今夕何年雙星  
低碧漢瓊島會羣仙露涼雲淡正寶地花宮願滿娟  
娟華月爛何用絳紗懸三五風光百千繾綣僥僥今  
綺疏雲易散青鳥信空傳自笑多病臨卽題柱客孤



負也。但只對文君，澣翠殘尾聲。紅銷風蠟，情非淺且。  
點檢舊日舞裙歌扇，肯容易輕將洛浦填。

步步嬌 一套 歡會

張解元

歡喜冤家重相見，一笑春生面。牽衣玉帳前，兩下相  
思和泪都言遍。底事到埋冤，惡恨很很教我難分辨。  
江兒水，眉自今宵展。心非昨日懸，花前未語先畱戀。  
半似含羞半含冤，柳腰低向風中軟。把酒殷勤勸，頓  
忘了別隔三秋。解盡了愁腸千轉。園林好，我為你一  
身病纏。我為你雙眸望穿關山遠。有信難傳，把歡娛  
地做了離恨天。比翼鳥做了斷腸猿。好姐姐，誰知良

綠未慳錦屏前又成歡宴瑤琴寶瑟一似續斷絃情  
何限春亭闌草簾重捲夜閣看花月再圓香柳娘望  
雙星在天望雙星在天佳期不遠夜深咲把重門掩  
解羅衣向前解羅衣向前珊枕髻雲偏錦衾肌玉軟  
把同心帶綰把同心帶綰鸞衾永圓芳心不變尾聲  
山盟長與天同遠歡娛惟願夜如年他日相思處怎  
忘得鮫綃上春一點

步步嬌一套

紀情

宴振之

紫雲臺上人年少丰韻天然妙桃腮映日天香滿梨  
花淡月疎簾悄鶯兒學語嬌那更燕子銜春小香羅

帶輕將檀板敲慢歌柳腰羅裙半掩金步搖一聲何處奏雲磬也有個郎君俏解金貂相如已辦求凰操怎當他弄玉多情也又向秦樓吹鳳簫醉扶歸曲纖纖謾寫蛾眉巧皎團團清轉月輪高嬌滴滴斜倚一枝春喜孜孜暗送千金笑困騰騰漸把翠鬟低爇溶溶不覺香肩靠皂羅袍想他那時來到猛可的見了魂消粉珠香顆落紅綃含羞怕有燈兒照窓明竹影月在柳梢綉幃錦幕春生翠翹這風情占斷巫山道好姐姐相報于飛同效這恩情永結瓊瑤同心錦字裁作合歡袍收為寶分明一幅鸞鳳譜切莫輕輕下

剪刀(香柳娘)想柳枝孌孌想柳枝孌孌翠雲蘭棹被  
他寸寸柔腸攪更滄波浩渺更滄波浩渺帶雨晚來  
潮幽恨添多少望雲山縹緲望雲山縹緲無限倚江  
臯盡把離愁遶(玉交枝)自別全無音耗幾曾經這般  
寂寥月下拜告星前禱都做了流水滔滔眉頭兒擔  
不住離恨挑泪珠兒填不滿相思窖書兒呵難寄難  
稍腸兒呵千條萬條(猫兒墜)斷腸時候正是并梧飄  
不覺時光轉素杓鎖窓深處透金甌無聊怎禁那簷  
兒外疎刺刺數竿瘦竹聲敲(僥僥令)遠愁含落照深  
怨因鳴蜩瘦損孤吟黃花貌髻短短髮瀟瀟(尾聲)相

思滋味都嘗了、有一日、恩情滿飽、獨對東風、咏小桃。

步步嬌一套 閨怨

簾控金鉤、深閨悄、風動爐烟、裊淒涼、恨怎消、望斷衡  
湘、底事、鱗鴻杳、獨坐悶、無聊、把金釵、劃損雕闌、巧香  
羅帶、幽窓倍寂寥、冰絃懶調、春纖未舉、先倦倒、斷絃  
何日續、鸞膠也、總有相思、調對誰、桃思、君幾番、成鬱  
陶、便是暗擲金錢也、有甚、心情、辨六爻、醉扶歸、悶懨  
懨、羞把菱花照、睡昏昏、慵整翠雲翹、覺離愁、應比舊  
時多、看花容、不似前春好、可憐、辜負、好良宵、多應是  
別、惹開花草、皂羅袍、可惱、鬱人懷抱、嚮叮嚀、鐵馬關。

風聲敲瀟瀟疎雨洒芭蕉。啾啾四壁寒蛩鬧。尋常摘  
句臨風。懶嘲蛾眉消黛。金鍼懶挑。虧心自有天知道。  
好姐姐。看他量如斗筲。沒來由教人談笑。翻雲覆雨。  
都是奴命招。無消耗。滔滔水。滄藍橋倒。烈火騰騰將。  
祆廟燒。香柳娘。見紅輪墜西。見紅輪墜西。晚鐘聲報。  
孤燈慘淡。和愁照。聽譙樓盡角。聽譙樓盡角。嗚咽怨。  
聲高。令人越焦躁。舞秋風。敗葉舞秋風。敗葉把紗窓。  
亂敲。攪得我夢魂顛倒。尾聲。薄情做事多奸狡。撇得  
人來沒下梢。短嘆長吁。捱不到曉。

步步嬌一套

閨怨

楊德芳

簾展湘紋新涼透睡起紅綃皺無言獨倚樓一帶寒  
江幾株疎柳牽惹別離愁天迴蒼山瘦香羅帶匆匆  
憶去秋送他遠遊兩情惜玉難分手頻將絲線繫蘭  
舟也淚洒湘江兩恨悠悠蘋花點點迷白鷗誰知一  
別經年也教我望斷孤帆落鷺洲醉扶歸慍啼痕濕  
透紅衫袖壓雲鬟斜軀玉搔頭對西風心逐伯勞飛  
望橫塘情亂鴛鴦偶音書三月隔南州向清波誰把  
雙魚剖皂羅袍想起綠窓鬪酒正一鉤新月楊柳梢  
頭心兒相冷意相投羅襦紐解黃金扣銅壺幽響銀  
箭暗浮薰爐香膩鴛鴦衾翠柔枕兒紅軟釵兒溜好姐

姐恨他心不應口把歡娛翻成倖情兒泛泛還如  
江水流風兒驟胭脂冷落芙蓉秀十二珠簾懶上鉤  
香柳娘看烟斜霧橫看烟斜霧橫夕陽時候天空倦  
鳥歸林數笑他行浪遊笑他行浪遊擾擾不知休鶯  
鳳冷琴奏聽猿啼遠岫聽猿啼遠岫岳色江聲漸收  
不堪回首尾聲西風倚遍闌干久荻花楓葉冷颼  
玉笛誰吹出塞愁

步步嬌

閨怨

唐伯虎

樓閣重重東風曉玉砌蘭芽小垂楊金粉消綠映河  
橋燕子剛來到心事上眉梢恨人歸不比春歸早醉



扶婦冷瀟、風雨清明到、悶恹恹難禁這兩朝、不思  
量寶髻插桃花、怎能禁綉戶生芳草、無情挈伴到春  
郊、鳳頭枉綉弓鞋巧、皂羅袍、堪嘆薄情難料、把婦期  
做了、流水萍飄、柳絲暗約玉肌消、花紅惹得朱顏惱、  
情牽意絆、山長水遙、月明古驛、東風盡橋、那人何事  
還不到、（好姐姐）如今瘦添楚腰、病恹恹離情懊惱、落  
花和泪、都做了一樣飄、（知多少）花堆錦砌、猶堪掃、泪  
染羅衫、痕怎消、（香柳娘）嘆陽關路遙、嘆陽關路遙、夢  
魂顛倒、更殘蝴蝶、巫山杳、我心中恨着、我心中恨着、  
雲散楚峰高、鳳去秦樓悄、怕今宵琴瑟、怕今宵琴瑟

你在何方弄調奴守紗窓月曉尾聲別離一旦生芳  
艸、盡棟涼生落燕巢、可惜粧臺人自老、

步步嬌一套

閨怨

金白嶼

花壓雕簷春風曉、入幙餘寒峭、水沉煙漸消、殘夢初  
驚、隔窓啼鳥、扶病倚亭皋、綿綿幽恨連芳艸、醉扶  
歸、亂紛紛、蘼徑殘紅落、暗沉沉、柳絲寒翠銷、意懸  
懸、去楚天遙、恨悠悠、夢斷秦樓杳、那堪瀟索度花  
朝、空門掩却春光老、皂羅袍、對景暗傷懷抱、見疎  
林斜日、掩映溪橋、可憐、淚逐落花飄、不禁腸斷樓  
鴉噪、愁催、潘鬢、病添沈腰、香枯青鎖、塵埋紫簫、天  
涯無計、歸青

鳥(好姐姐)離魂幾番暗消。又聽得嚴城畫角。迴廊月  
冷。閑將綠綺調。相思調。高山流水知音少。寡鵲孤鸞  
祇自嘲。(香柳娘)更難禁此宵。更難禁此宵。庭幃人悄。  
熒熒短炬殘輝。照想朱扉盡橋。想朱扉盡橋。曾整翠  
雲翹。為把蛾眉掃。到如今恨着。到如今恨着。鴛衾寂  
寥。魚書消耗。(尾聲)孤眠不穩。頻驚覺。何處笙歌嚮碧  
桃。立盡殘更天未曉。

醉扶歸一套

秋思

張靈墟

相思欲見渾難見。果然是別時容易見。時難見。時又  
怕起波瀾。待教不見情難捫。見和不見兩頭擔。只索

向林邊夢裡尋方便。步步嬌。急煎煎夢破陽臺遠。雨誰收管。屏山烟樹前。天上人間物換星移。盼不到羅袖籍香肩。只消受得疎櫺月清光淺。江兒水。陌上朝來遇。匆匆欲語難。隔簾彷彿梨花面。行人回首魂俱斷。東西岐路成長嘆。似月被雲來遮掩。縱有藍橋渡不得。眼前天斬。園林好。嘆一刻千金果然。盼一紙萬金難換。何事彬陽無雁。自隔斷。玉門關。再不到大羅天。五供養。夜凉水簟。欹枕無眠意。惹情牽。舊愁流水逝。新恨海潮添。轆轤展轉。柰金井碧梧人遠。不教懽會少。只怕別離難。懽指光陰。又經時變。僥僥令王

簫期跨鳳寶瑟托啼鵲勝事春心渾拋閃抵多少一  
尋思一惘然尾聲月明冰上酬心願兩帶雲尤不羨  
仙將一段衷情對面傳

玉交枝一套

戒邪

青樓滋味畧嘗此便要知機山猿野馬難拴繫似桃  
花風裡翻飛同生共死都是虛山盟海誓牢籠計信  
着他分明是痴戀着他分明被迷前腔調情調意要  
知音眉高眼低機關打破方伶俐認真的有甚便宜  
假若你聰明軟款會施為只落得撚酸擔苦空淘氣  
沒來由常擔干計沒來由常惹是非不是路子弟須

一百計千方要準備。婆娘意十分難重。更難依。忽心  
癡。撞入他迷魂陣。圖裡暗箭明鎗。難躲避。相遭際。請  
君猜個烟花謎。有頭無尾。有頭無尾。調角兒。閃得人  
意蕩魂飛。弄得人眼花心昧。鎖終朝。握兩携雲空指  
望。並頭連理。只怕他面情長。心倖短。空頭多。真話少。  
霎時抛弃。風流佳趣。誰曾到底。總然是如膠似漆。終  
要分離。箭腔識趣的。有話須題。着人的有乖休使。但  
得手須要瞧頭。要弄人還須度已。休得要擅家懷窮。  
孝順假慈悲。虛幫襯。冷聲熱氣。麗春園內。終無碑記。  
你若是回頭不早。終作烏龜尾聲。風流子弟須牢記。

那養漢的是驛遞裡鋪陳趕脚的驢切莫要貪他成把戲

夜行船序一套

春海近偷入梁山伯及  
阮江樓記亦入絃索

戴善甫

花底黃鸝聽聲聲一似喚人遊戲東風裡玉勒雕鞍  
爭馳佳時日暖風和偏稱對景尋芳拾翠遙指隱隱  
杏花村深處酒旗搖曳箭腔迤逗曲徑芳堤競香塵  
不斷往來羅綺亭臺上急管繁絃聲催雙飛蝶舞花  
枝鶯轉上林魚遊春水芳菲點檢萬花中昨夜海棠  
開未關寶蟾堪題綠柳陰中見鞦韆高架綵繩飛起  
是誰家仕女雙蹴嬉戲相空奇花映粉腮輕風蕩綉

衣動情的，正是遊人牆外。笑聲牆裡，前腔聽啓春色。  
三分一分塵土，二分流水，向花前共樂。莫負良時，歌  
妓低低唱小詞，雙雙舞柘枝。可人意，間竹桃花相傍。  
小橋流水，錦衣香。芳草池魚遊戲，翠柳堤鶯聲細。只  
見仕女王孫，幕天席地，高挑一架，開竿兒深深步入。  
杏塢桃溪，對良辰美景，想蓬萊也。只如是，休把閑愁  
繫。且圖沉醉，光陰迅速，人生能幾。漿水令正相同尋  
芳未已，柰紅輪已覺墜西。海棠枝上，子規啼，聲聲是  
他喚着春歸。花陰下，人似蟻花，藤轎兒雕鞍騎，相隨  
趁相隨。趁風流隊裡，拚沉醉，醉扶歸。收好音。



煞今宵共約同歡會先教從人啼去安排辦下眠蓆

夜行船序一套 春游

堪賞花朝見遊人如蟻競出西郊長亭上挈榼提壺  
歡笑迢迢綠水人家偏稱燕子雙雙飛遶黃鳥睨睨  
柳陰中深處為誰啼早箭腔妖嬈百紫千紅被東風  
一夜趲教開了花陰下曲水流觴喧鬧高桃食壘花  
籃紛紛擁簇雕鞍藤轎偏遶只聽得賣花聲滴溜溜  
叫來輕巧鬪寶蟾堪描蹴鞠齊雲映鞦韆庭院綺羅  
圍遶見三三兩兩嬌滴花貌波俏金蓮露絳綃玉釵  
聳翠翹笑聲高正是無情却被有情縈惱箭腔芳草

莫碾香輪趁青青畱與醉眠一覺那王孫去也玉勒  
西郊妖嬈緋桃賣火燒輕風似剪刀亂飄飄可惜殘  
紅滿地更無人掃錦衣香過畫橋風光好靚粉墻園  
林好只見戲水鶯鶯浪翻碧藻歌樓檀板謾輕敲不  
如載酒共泛蘭橈玩江山景物又何須閨苑蓬島休  
得閑煩惱且開懷抱功名分在龍門一跳漿水令嘆  
匆匆鶯花易老謾騰騰紫陌路遙酒旗斜插杏花梢  
何妨共入痛飲香醪拚沉醉沉醉倒春衫袖濕欹花  
帽須知道須知道離多會少同歡笑同歡笑笑解金  
貂尾聲從教酩酊玉山倒洞口桃花休笑拚一醉酒

夜行船序一套 吊古

楊鐵崖

霸業艱危，嘆吳王、端為苧羅西子。傾城處粧出捧心，  
嬌媚奢侈，玉液金莖，寶鳳雕龍，銀魚絲鱸，遊戲沉溺，  
在翠紅鄉，忘却臥薪滋味。  
前腔：乘機勾踐，雄徒聚干戈，要雪會稽羞耻。懷奸計，越賂私通，伯嚭誰知，忠諫  
不聽，勦賜髑髏，靈胥空死。狼狽不想道，請行成北，面  
稱臣不許。  
闌寶蟾堪悲，身國俱亡，把烟花山水等閑無主。  
嘆高臺百尺，頓遭烈炬，休覩珠翠，總劫灰繁華，只廢基，惱人意。  
耐耐范蠡扁舟，一片太湖烟水。  
前腔

聽啓樵李亭荒，更夫椒樹老。浣花池廢，問銅溝、明日  
美人何處。春去楊柳水殿，歎芙蓉池館，摧動情的只  
見綠樹黃鸝。寂寂怨誰無語，錦衣香館，娃宮荊榛，誰  
響麝廊莓苔。可惜剩水殘山，斷崖高寺，百花深處  
一僧歸。空遺舊跡，走狗鬪雞，想當年、僭祭望郊臺。淒  
涼雲樹，香水鴛鴦去，酒城傾墜。茫茫練瀆，無邊秋水。  
樂水令採蓮涇紅芳盡，死越來溪吳歌慘悽，宮中鹿  
走草萋萋。黍離故墟，過客傷悲，離宮廢，誰避暑，瓊姬  
墓冷，蒼烟蔽空原，滴空原，滴梧桐，秋雨臺城上，臺城  
上，烏夜啼。（尾聲）越王百計吞吳地，歸去層臺高起，只

今亦是鷓鴣飛處

夜行船序一套 題情

翠擁紅遮錦香叢勾住採花蝴蝶耽風月只為多情  
禁些擔些頓使綢繆偏令愛惜愈加疼熱拚也準備  
下鬼門關心願對海神同設前腔兒的夙世冤業却  
如何一見兩情牽掣歌臺上一曲霓裳清絕嬌絕粉  
黛輕勻蛾眉淡掃晚粧初卸覩他便是那潘郎丰韻  
比他何別斷寶蟾曾寫鷓鴣新詞向尊前花下彩雲  
歌徹斷人腸誰送一紙書摺虛說石榴花已開玉人  
音信稀那時節悶殺離愁萬種寸心千結前腔歡悅

剗地歸來似天仙降下、蕊珠宮闕、喜釵分再整、絃斷  
重接、聽說花兒插在瓶簾兒放下些、敘離別、喜殺書  
幃半掩、把燈吹滅、錦衣香喜的他心兒熱、怕的他性  
兒劣、一向開言不許差迭、端詳穩重又貞潔、全無半  
點假意虛撇、更聰明文雅、酒兒中件件清切、洒落風  
流也、絕與人別、冰肌玉骨、瑩然朗徹、漿水令想當初  
相逢狹邪、武陵溪、短棹輕楫、歌聲宛轉、髻欹斜、近船  
呼出醉眼也斜、天涯去、雲水賒、陽臺夢兒空、做此誰  
承望、誰承望、到底和協、今日裡、今日裡、始得寧貼、尾  
聲、從今共把山盟設、不許負心薄劣、這段情詞、畱在

怕兒上寫

閩寶蟾一套

閩情

陳秋碧

點檢梅花見南枝春信漏泄今宵雪模糊可堪半壓  
寒梢依稀暗香動且浮疎英嫩又嬌正無聊著意看  
花却又被花相惱前腔清曉眉黛慵描整殘粧無語  
向花微笑惜花人此時音問寥寥凭闌天寒綈袂薄  
風輕繡帶飄自今朝一捻腰肢寬掩翠裙多少忒忒  
令任雪花梅英鬪巧憔悴人暗傷懷抱此情若與天  
知道離恨比天更高果然是天知道和天也瘦了五  
供養青山頓老誰收拾滿地瓊瑤蒼苔冬暮景舉目

一條笑我因花起早聽滿耳靈禽喧喚不報此  
喜意熱北風吹面利如刀好姐姐一交夜昏靜悄  
孤另另銀缸相照把燈兒慢挑和衣剛睡看誰驚  
寒指冷難成調偷弄飛瓊碧玉簫川撥棹難猜料  
自來這讀書人心性喬早帶上金屋嬌姿早帶上金  
屋嬌姿頓忘了臨印故交漢相如恩愛薄卓文君緣  
分少錦衣香闌珊了錦字詩差錯了瑤琴操叙分了  
交股金帶拆了連環套鳳凰簪鏤玲瓏那得堅牢  
桃花源上不通潮傷心總是兩葉風條連枝樹近來  
也生成恨種愁苗魚雁無消耗水闊山高紅絲繫足



誰把冰刀雙繳漿水令不索將蒼穹禱告一任他傍  
人戲嘲盟香夜夜對天燒幽情未訴意攘心勞從前  
事都忘却只求眼下他來到鴛鴦被鴛鴦被重薰麝  
腦銷金帳銷金帳慢飲羊羔尾聲愁容等得生歡笑  
說甚暮冬天道番成月夕花朝

三十腔一套 閒情

薄情種這些時在何處厮哄可曾知我悲痛暗想當  
初兩下裡春心動都在秋波相偷送那時猶記伊西  
戎東心眼相調弄日日相逢疑是夢不及夢裡相逢  
倒得成愛寵覺來時撲個空他脉脉我懸懸其日得

相親奉一點靈犀已通未通遙想去年今日此門中  
回首又隔三冬情知道後生心性怎禁得恁從容況  
他風流名重誰不知烟花總領雨雲先鋒慢說平生  
燕鶯踪知他多少經趨奉輕薄體一似狂蜂蝶點破  
名園萬處紅多才多藝不與人同薄情薄倖也無人  
共尋思起總是沒梁楨何也花香酒濃那裡也綠  
遮紅擁枉將人調得心腸冗卽漸有始無終幾時得  
舞低楊柳樓心月歌盡桃花扇底風那時節咱乘鳳  
你跨龍暢好的會受用星眼朦朧猛驚起又日高花  
影重兩箇黃鸝枝上弄腰圍減金釧鬆懶把雲鬟攏

不展眉峰聳愁殺晨雞與暮鐘十二箇時辰幾曾空  
最苦是三更裡偏長永這相思却見揔比較他時分  
外濃花開桃李春風葉落秋雨梧桐從今再不如前  
卿囑把行雲鎖住巫峰掣開鸚鵡出金籠拘鶯燕入  
芳叢管取這機謀中真心怎肯將伊哄虛脾休向咱  
行并莫教風月兩無功劉郎須認桃源洞尾聲有朝  
一日諧鸞鳳心堅自古定相從這的是十載心機不  
落空

新刻羣音類選清腔卷五